

Na osnovu člana 19. stav 2. Zakona o Vladi Federacije BiH („Službene novine Federacije BiH“, br. 1/94, 8/95, 58/02, 19/03, 2/06 i 8/06) i člana 24. tačka 11. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), člana 32. Pravilnika o načinu rada i funkcionisanja štabova i povjerenika civilne zaštite („Službene novine Federacije BiH“, br. 77/06, 5/07 i 32/14 ), a u vezi sa nastalom situacijom usljed obilnih kišnih padavina na području Federacije Bosne i Hercegovine, na prijedlog Federalnog štaba civilne zaštite, na 46. hitnoj sjednici, održanoj 15.05.2014. godine, Vlada Federacije Bosne i Hercegovine, donijela je

## **O D L U K U**

### **O PROGLAŠENJU STANJA PRIRODNE NESREĆE NA PODRUČJU FEDERACIJE BOSNE I HERCEGOVINE UZROKOVANE OBILNIM KIŠNIM PADAVINAMA KOJE SU PROUZROKOVALE POPLAVE NA PODRUČJU FEDERACIJE BOSNE I HERCEGOVINE**

#### **I.**

Proglašava se stanje prirodne i druge nesreće na području Federacije Bosne i Hercegovine zbog obilnih kišnih padavina koje su prouzrokovale izlivanje rijeka i bujičnih potoka iz svojih korita i izazivajući plavljenje velikog broja infrastrukturnih objekata, objekata stanovanja i poljoprivrednog i drugog zemljišta na području Federacije Bosne i Hercegovine.

#### **II.**

Radi zaštite i spašavanja ljudi i materijalnih dobara na ugroženom području Vlada Federacije Bosne i Hercegovine određuje:

- da se sva federalna ministarstva, uprave i upravne organizacije, pravni subjekti i druge institucije stave na raspolaganje Federalnom štabu civilne zaštite (u daljem tekstu: FŠCZ), te da nadležni kantonalni i općinski/gradski štabovi civilne zaštite, također stave na raspolaganje sve raspoložive resurse, koji će se prema planovima zaštite i spašavanja ljudi i materijalnih dobara (u daljem tekstu: planovi) koristiti na ugroženim područjima;

- prema federalnom planu, u svim federalnim ministarstvima, upravama i upravnim organizacijama i zavodima odmah uvesti pasivno dežurstvo, radi izvršenja naredbi Federalnog štaba civilne zaštite;

- u skladu sa federalnim planom i zahtjevima sa ugroženih područja, zadužuje se Federalni štab civilne zaštite da izvrši aktiviranje odgovarajućih federalnih službi zaštite i spašavanja (u daljem tekstu: federalna služba) i federalnih specijaliziranih jedinica civilne

zaštite (u daljem tekstu: federalne jedinice), a po potrebi i drugih pravnih subjekata, javnih preduzeća i građana radi pružanja pomoći na ugroženom području;

- u slučaju potrebe, a na traženje nadležnih štabova civilne zaštite sa ugroženog područja, Federalni štab civilne zaštite će, u skladu sa svojim ovlaštenjima, angažirati i druge snage zaštite i spašavanja sa područja drugih kantona i općina koje nisu ugrožene ovom nesrećom radi pružanja pomoći na ugroženom području.

### III.

Troškovi koji nastanu, angažiranjem Federalnog štaba civilne zaštite, federalnih službi i federalnih jedinica, te dodatnim planskim angažiranjem nedostajućih resursa za spašavanje, tokom provođenja akcija zaštite i spašavanja ljudi i materijalnih dobara, na ugroženim područjima, pokrit će se iz sredstava Budžeta Federacije Bosne i Hercegovine, planiranih za zaštitu i spašavanje, a nedostajuća sredstva iz budžetskih rezervi i drugih finansijskih izvora, u skladu sa važećim propisima.

Interventno, Vlada Federacije Bosne i Hercegovine za ove namjene izdvaja 2.000.000,00 KM iz rezervi Budžeta Federacije Bosne i Hercegovine za 2014. godinu.

Pored navedenih sredstava, za ove namjene potrebno je koristiti sva raspoloživa sredstva posebne naknade za zaštitu i spašavanje u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12 i 80/13).

### IV.

Zadužuje se Federalni štab civilne zaštite da u skladu sa federalnim planom i važećim zakonskim propisima preuzme sve aktivnosti oko koordinacije i rukovođenja akcijama zaštite i spašavanja ljudi i materijalnih dobara na ugroženom području.

### V.

Kada se sagledaju svi resursi općina/grada, kantona i Federacije Bosne i Hercegovine, a na osnovu procjene stanja na ugroženom području, ostvariti kontakte, u skladu sa operativnim procedurama, sa Ministarstvom sigurnosti Bosne i Hercegovine radi traženja pomoći Oružanih snaga Bosne i Hercegovine, te traženja međunarodne pomoći u skladu sa utvrđenim procedurama.

### VI.

Obavezuju se svi rukovodioci organa uprave i upravnih organizacija Federacije i kantona, odnosno rukovodioci općinskih/gradskih službi za upravu i rukovodioci pravnih lica i drugih institucija, da osiguraju provođenje naredbi nadležnih štabova civilne zaštite (pružanjem pomoći i podrške u logističkim i komunalnim potrebama, evakuaciji, zbrinjavanju ugroženog stanovništva i materijalnih dobara, snabdijevanju stanovništva živežnim namirnicama, higijenskim potrepštinama, te medicinskom zbrinjavanju povrijeđenih i oboljelih stanovnika).

## VII.

Zadužuju se nadležni organi u općinama/gradu i kantonima da u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09 i 56/09), aktiviraju svoje komisije za procjenu šteta, radi izvršavanja zadataka utvrđenih u navednoj Uredbi.

## VIII.

Ova odluka stupa na snagu danom donošenja i ista će se objaviti u „Službenim novinama Federacije BiH“.

## IX.

Ova odluka će biti objavljena putem printanih i elektronskih sredstava informiranja.

V. broj: 870 /2014  
15.05.2014. godine  
Sarajevo

